



Sarajevo, 16.06.2026. godine

Broj: 06-06-2-768-2/26

Vanjskotrgovinska/Spoljnotrgovinska komora Bosne i Hercegovine (VTK/STK BiH) organizuje i ovim putem poziva zainteresovane predstavnike poslovne zajednice na edukaciju

## **„Aktuelna pitanja radnog zakonodavstva u BiH“**

koja će se održati od 02. – 04.09.2026. godine u hotelu „Marea“ u Neumu.

Program edukacije se nalazi u prilogu ovog poziva.

### **Cilj edukacije**

Cilj edukacije je unaprijediti znanja i praktične kompetencije učesnika u oblasti radno-pravnih odnosa kroz sveobuhvatno sagledavanje najaktuelnijih pitanja radnog zakonodavstva u Bosni i Hercegovini. Poseban fokus bit će stavljen na razmjenu iskustava i analizu najčešćih dilema sa kojima se poslodavci i stručnjaci za ljudske resurse susreću u svakodnevnoj primjeni propisa.

Kroz kombinaciju stručnih predavanja, diskusija i rada na primjerima iz prakse, učesnici će imati priliku povezati teorijska znanja sa konkretnim situacijama iz radnog okruženja, bolje razumjeti ključne institute radnog prava te razviti sposobnost pravilnog tumačenja i primjene relevantnih zakonskih odredbi. Edukacija će također omogućiti kritičko sagledavanje postojećih normativnih rješenja i njihovog uticaja na ostvarivanje prava i obaveza iz radnog odnosa.

### **Ciljna grupa**

Edukacija je namijenjena pravnicima, stručnjacima za upravljanje ljudskim resursima, direktorima i rukovodiocima organizacionih jedinica, kao i svim zaposlenicima koji u okviru svojih radnih zadataka učestvuju u kreiranju, provođenju ili nadzoru radno-pravnih procesa. Posebnu korist od edukacije imat će osobe odgovorne za organizaciju rada, pripremu internih akata, zapošljavanje, prava zaposlenih te osiguravanje usklađenosti poslovanja sa važećim propisima iz oblasti rada i zapošljavanja.

### **Ishod edukacije**

Po završetku edukacije, učesnici će biti osposobljeni za sigurniju i efikasniju primjenu radnog zakonodavstva u svakodnevnom radu, uz bolje razumijevanje prava, obaveza i odgovornosti koje proizlaze iz radno-pravnih odnosa. Stečena znanja omogućit će im da pravovremeno prepoznaju uzroke najčešćih problema i spornih situacija u oblasti rada, pravilno tumače relevantne zakonske odredbe te argumentirano pristupaju rješavanju otvorenih pitanja. Učesnici će također razviti sposobnost kritičkog sagledavanja i procjene postojećih pravnih rješenja, prepoznavanja njihovih praktičnih implikacija te predlaganja zakonitih i održivih rješenja za izazove sa kojima se susreću poslodavci i zaposlenici. Kroz analizu konkretnih primjera iz prakse, bit će u mogućnosti samostalnije i sigurnije donositi odluke u oblasti upravljanja radnim odnosima i primjene radnog zakonodavstva.



## Predavači

Predavači na edukaciji su istaknuti naučno-nastavni djelatnici i autori naučnih i stručnih radova u oblasti radnog i socijalnog prava, obrađujući teme: individualnog, kolektivnog, međunarodnog i procesnog radnog prava.

- Prof. dr Jasminka Gradašćević-Sijerčić, redovna profesorica na predmetima naučne oblasti Radno i socijalno pravo na Univerzitetu u Sarajevu – Pravnom fakultetu, na prvom i drugom ciklusu studija, te na doktorskom studiju.
- Prof. dr Mehmed Hadžić, redovni profesor na predmetima naučne oblasti Radno i socijalno pravo na Univerzitetu u Sarajevu – Pravnom fakultetu, na sva tri ciklusa visokog obrazovanja u naučnom polju prava.

## Kotizacija

Kotizacija za rane prijave (*early bird*) iznosi 386,00 KM sa PDV-om i važi za prijave zaprimljene najkasnije do 31.07.2026. godine. Nakon navedenog datuma, redovna kotizacija iznosi 456,30 KM sa PDV-om. U cijenu je uključeno:

- predavanje (3 dana),
- ručak (1 dan; 03.09.2026. godine)
- osvježanje na pauzama (3 dana; 02.-04.09.2026. godine)
- potvrda VTK/STK BiH o odslušanoj edukaciji.

## Posebna pogodnost za prijavljene učesnike

Za učesnike edukacije osigurane su posebne cijene smještaja u Hotelu „Marea“ u Neumu, u kojem će se edukacija održati, i to 150,00 KM sa PDV-om po noćenju u jednokrevetnoj sobi, odnosno 200,00 KM sa PDV-om po noćenju u dvokrevetnoj sobi. Više informacija o hotelu: <https://hotelmarea.ba/>

## Prijava

Prijava učešća vrši se popunjavanjem [online prijavnog obrasca](#), najkasnije do petka, 28.08.2026. godine do 12:00 sati.

## Kontakt

Za više informacija možete nam se obratiti upitom na email adresu [edukacija@komorabih.ba](mailto:edukacija@komorabih.ba) ili pozivom na brojeve telefona 033/566-204 i 033/566-200.





PROGRAM EDUKACIJE

**„Aktuelna pitanja radnog zakonodavstva u BiH“**

Hotel „Marea“, Neum; 02.-04.09.2026. godine

**Srijeda, 02.09.2026. godine**

Satnica	Program / Sadržaj
13.30 – 14.00	Registracija učesnika
14.00 – 14.15	Uvodno obraćanje organizatora
14.15 – 15.45	<b>Normativni okvir i pravni osnov radnopravnog statusa u BiH</b> prof.dr Mehmed Hadžić
15.45 – 16.15	Pauza za kafu/osvježenje
16.15 – 17.45	<b>Prava na radu i/ili u vezi s radom</b> prof.dr Jasminka Gradašćević-Sijerčić
17.45 – 18.15	<b>Vrijeme predviđeno za pitanja i odgovore (diskusija)</b> prof.dr Jasminka Gradašćević-Sijerčić / prof.dr Mehmed Hadžić i učesnici

**Četvrtak, 03.09.2026. godine**

Satnica	Program / Sadržaj
09.30 – 10.00	Registracija učesnika
10.00 – 11.30	<b>Vrste radnih odnosa s posebnim osvrtom na rad stranaca u BiH</b> prof.dr Jasminka Gradašćević-Sijerčić
11.30 – 12.00	Pauza za kafu/osvježenje
12.00 – 13.30	<b>Radno vrijeme, odmori i odsustva: relevantno pravo i otvorena pitanja u praksi</b> prof.dr Mehmed Hadžić
13.30 – 14.30	Pauza za ručak
14.30 – 16.00	<b>Plaća i naknada plaće: relevantno pravo i otvorena pitanja u praksi</b> prof.dr Jasminka Gradašćević-Sijerčić
16.00 – 16.30	<b>Vrijeme predviđeno za pitanja i odgovore (diskusija)</b> prof.dr Jasminka Gradašćević-Sijerčić / prof.dr Mehmed Hadžić i učesnici



**Petak, 04.09.2026. godine**

<b>Satnica</b>	<b>Program / Sadržaj</b>
09.30 – 10.00	Registracija učesnika
10.00 – 11.30	<b>Prestanak radnog odnosa: relevantno pravo i otvorena pitanja u praksi s posebnim osvrtom na radne sporove</b> prof.dr Mehmed Hadžić
11.30 – 12.15	<b>Diskriminacija u oblasti rada i zapošljavanja</b> prof.dr Jasminka Gradašćević-Sijerčić
12.15 – 12.30	Pauza za kafu/osvježenje
12.30 – 13.00	<b>Rekapitulacija edukacije</b> prof.dr Jasminka Gradašćević-Sijerčić / prof.dr Mehmed Hadžić
13.00 – 13.30	<b>Vrijeme predviđeno za pitanja i odgovore (diskusija)</b> prof.dr Jasminka Gradašćević-Sijerčić / prof.dr Mehmed Hadžić i učesnici